



DET KONGELIGE
FINANSDEPARTEMENT

Rundskriv

Til samtlege departement
Statsministerens kontor

Nr.
R-8/2003

Vår ref
03/2967 C AEH/MaD

Dato
02.10.03

Statsbudsjettet medrekna folketrygda 2003. Tilleggsøyvingar i haustsesjonen – ny saldering

Retningslinjene for statsbudsjettet 2003 inneber at forslag til større endringar på inntekts- og utgiftssida skal gjerast i to rundar, ein om våren og ein om hausten. Saman med forslag frå fagdepartementa om heilt nødvendige utgiftsauker eller reduksjonar av inntekter, skal det fremjast forslag om tilsvarende realistisk inndekking på eige budsjett, før saka blir lagt fram for Regjeringa. Forslag om auka utgifter og reduksjonar av inntekter som vert fremja utan inndekking vil derfor som hovudregel bli avviste.

I tråd med desse retningslinjene vil Finansdepartementet leggje fram for Regjeringa ei samla oversikt over fagdepartementa sine forslag til tilleggsøyvingar i haustsesjonen i 2003.

Finansdepartementet ber derfor om at fagdepartementa berre sender inn forslag til tilleggsøyvingar for 2003 som det er strengt nødvendig at Stortinget vedtek i haustsesjonen. Fagdepartementa bør også sende inn saker om overskriding av mindre omfang som normalt kan avgjerast med samtykke frå Finansdepartementet eller ved kongeleg resolusjon. Finansdepartementet ber vidare om at fagdepartementa også legg ved oversikt over tilfeller der det kan vere nødvendig å sette ned årsløyvinga for å tilpasse løyvinga til kravet om realistisk budsjettering.

Vi gjer merksam på brevet av 6. september 1996 frå Finansdepartementet til alle departement om Riksrevisjonen sin rapport om manglande utnytting av gitte løyvingar i 1994, der Riksrevisjonen stiller krav om meir realistisk budsjettering i forhold til behovet for å dekkje utbetalningar i løpande termin.

Finansdepartementet skal ha innspela innan 20. oktober 2003.

Postadresse:
Postboks 8008 Dep
0030 Oslo

Kontoradresse:
Akersg 40

Telefon – sentralbord
22 24 90 90
Org. nr.:
972 417 807

Finansavdelingen
Telefon: 22 24 43 03
Telefaks: 22 24 95 05

Forslaga skal fordelast på kapittel og poster med følgjande opplysningar oppgitt i 1000 kroner:

- Rekneskap 2002
- Saldert budsjett 2003 + tilleggsløyvingar hittil
- Tilleggsforslag 2003

I Hovedbudsjettsskriv for 2003 datert 22. mai 2003 vert departementa bedne om å sende inn overslag for behovet for tilleggsløyvingar for 2. halvår 2003 innan 13. august 2003. Finansdepartementet har brukt desse opplysningane som grunnlag for overslag på rekneskap for Gul Bok 2004 og Nasjonalbudsjettet 2004. Finansdepartementet vil understreke at det ikkje er tilstrekkeleg å ha gjeve desse opplysningane tidlegare, for at Regjeringa skal handsame forslaga. For at forslaga skal bli handsama, må departementa sende inn konkrete forslag nå.


I dei tilfella departementa vanlegvis legg fram omgrupperingsproposisjonar, er det ikkje nødvendig å gjere greie for alle endringsforslaga i detalj. Det må gjerast greie for netto meirutgifter/mindreutgifter som blir foreslått og for større opp- og nedjusteringar.


Etter at Regjeringa har handsama den samla oversikta over tilleggsløyvingar, må departementa fremme eigne proposisjonar med dei forslaga som er vorte godtekne. Fristen for å leggje fram slike proposisjonar er 14. november 2003.

Stortinget gav Regjeringa ei innsparringsfullmakt ved handsaminga av Revidert nasjonalbudsjett 2003, der departementa skulle spare inn utgifter for i alt 100 mill. kroner fordelt på departementas drifts- og investeringsutgifter, samt på nettobudsjetterte verksemder. Regjeringa har vedteke utgiftsreduksjon for kvart departement. Kvart departement må derfor spesifisere innsparinga på kapittel, post og underpost. Forslag til fordeling må sendast til Finansdepartementet innan 20. oktober 2003. Den samla innsparinga vil bli forklart i nysalderingsproposisjonen.

Proposisjonen om ny saldering av statsbudsjettet for 2003 vil etter planen bli fremja i statsråd fredag 5. desember 2003.

~~Med helsing~~


Trond Tørstad (e.f.)
fung. avdelingsdirektør


Ann Kariin Holand
Rådgjevar

Sakshandsamar: Anniken Esrød Hoelsæter, tlf: 22 24 43 27